

歷史文獻解讀

本考卷共四題，每題二十五分，全卷一百分。

一、文中所論及的是何種制度？試略述之。（十分）

作者對這一制度有何意見？（十五分）

漢時賢良方正等人。大抵從布衣舉者甚少。今見于各列傳者。賢良惟公孫宏由布衣起。馮遂則已為太子家令。董仲舒已為博士。唐已為騎都尉。歸家。羣臣舉為賢良。唐年九十餘。不能為官。王吉已為雲陽令。舉賢良為昌邑中尉。賈禹已為涼州刺史。病去官。復舉賢良為河南令。此賢良之多已仕者也。杜欽舉方正時。已為武庫令。朱雲舉方正時。已為槐里令。孔光已為議郎。舉方正。遷諫大夫。董寬饒亦已為郎。舉方正對策。高第。亦遷諫大夫。陳咸已為九卿。能歸舉方正。直言為光祿大夫給事中。此方正之多已仕者也。薛宣為不其丞。舉茂才。遷樂浪都尉。尹賞為樓煩長。舉茂材。遷粟邑令。此茂材之多已仕者也。至于孝廉之舉。其名雖合為一。而廉與孝又分。大約舉孝者少。而察廉者多。如平陵令薛恭。乃本縣孝者。不能繁劇。其他如趙廣漢。以察廉為陽翟令。尹翁歸舉廉為緱氏尉。又舉廉為宏農尉。張敞察廉為泉倉長。蕭望之察廉為大行治禮丞。王尊察廉為鹽官長。黃霸察廉為太守丞。是也。

一、從雍正皇帝對「清官」的質疑，

試分析其時官僚的作風。(二十五分)

雍正四年

論直省督撫布按居官立身之道日以操守廉潔為本但封疆大吏職任甚鉅書經洪範所稱有猷有為有守三者並重則是操守者不過居官之一節耳安民察吏興利除弊其道多端倘但恃其操守頗廉以為可以博取名譽而悠悠忽忽於地方事務不能整飭經理苟且塞責姑息養奸此等之人貽害甚大蓋此等清官無所取於民而善良者感之不能禁民之為非而豪強者頌之故百姓之賢不肖皆稱之無所取於屬員而亦不能禁屬員之不法故屬員之賢不肖者皆安之大臣之子弟親戚犯法則姑容而不行參革地方之強紳劣衿生事則寬待而不加約束故大臣紳衿皆言其和平而望其久留甚至胥吏作奸而不能懲盜賊肆行而不能察故自胥吏至於盜賊皆樂其安靜而不欲其去任及至事務廢弛朝廷訪問加以譴責罷斥而地方官民人等羣然歎息以為去一清廉上司為之稱屈此則平日模稜悅眾違道干譽之所致也故但潔己而不奉公之清官巧宦其為害較操守平常之人為更甚操守平常者其心既不敢自恃為清官常懷畏懼之心頗有所整頓經理事務不至贖廢朝廷又時時留心訪察一有不善即加懲戒而在朝之官員及伊屬下之官吏紳衿人等皆伺察其過不肯為之隱諱是以此等之人貽累於地方者尚輕而潔己沽譽之巧宦貽累於地方者更甚也如查爾納揚名時裴倬度張楷魏廷珍操守雖清而皆顧情情面一味遷就求容悅於人故內外之人稱譽之者甚多如田文鏡楊文乾李衛諾岷其操守且勝於查爾納揚名時裴倬度張楷魏廷珍而乃因其實心任事整飭官民不避嫌怨遂不滿眾人之意或謗其苛刻或議其偏執或譏其驕傲故意吹索加以評論此風若不悔改必至封疆大吏皆以實心任事整理地方為嫌相率而為苟且之計吏治何所倚賴乎夫良藥利病者必苦於口名臣持正者必不悅於俗若諸事不理一味和同因循而但託清名以蔽拙是木偶耳廢法誤公累民傷事莫此為甚朕深望爾等為明體達用之全材而深惜爾等為同流合俗之鄉愚故特誥告誠不憚周詳夫不教而罰朕不為也若教而不遵朕亦安用此無益於地方之清官以誤事哉此朕春秋責備之義勉之深之

三. 文中所提及的是什麼史學方法? (五分)

這段文字出自何書? (五分)

作者認為這方法有何意義? (十五分)

夫文史之籍，日以繁滋，一編刊定，則徵材所取之書，不數十年，皆死亡其十之五六，宋、元修史之成規，可覆按焉。使自注之例得行，則因援引所及，而得存先世藏書之大概，因以校正藝文著錄之得失，是亦史法之一助也。且人心日漓，風氣日變，缺文之義不聞，而附會之習，且愈出而愈工焉。在官修書，惟冀塞責，私門著述，苟飾浮名，或剽竊成書，或因陋就簡。使其術稍詰，皆可愚一時之耳目，而著作之道益衰。誠得自注以標所去取，則聞見之廣狹，功力之疏密，心術之誠偽，灼然可見於開卷之頃，而風氣可以漸復於質古，是又為益之尤大者也。然則考之往代，家法既如彼，揆之後世，繁重又如此，夫翰墨省於前，而功效多於舊，孰有加於自注也哉？

四. 請以文中數據製成一「

近年各項額外開支表」。 (二十五分)

辛卯工科都給事中王德完言國家歲入僅四百萬而歲出輒至四百五十萬有奇居恒已出浮于入邇來因事加增如寧夏用兵數月約費餉一百八十七萬八千餘金朝鮮用兵七年約費餉五百八十三萬二千餘金又地畝米豆撥兵等餉費三百餘萬金平播之師期年費一百二十一萬六千餘金連川中漢辦共二百餘萬婚禮珠寶等項約九百三十四萬三千餘金傳造袍服四萬一千餘匹約一百萬四千餘金山西潞絀織四十七百餘匹婚禮傳買段一萬二千七百餘匹約十萬餘金磁器口傳二十三萬五千件約費二十餘萬金潯三山口趙家園等處費二十四萬餘金而省直災傷欠段價料銀一百二十四萬五千金又欠廚料九萬六千餘金積之亦既二千六百餘萬當裕空之時講濟虛之策惟節省最要臣請減織造以拯民命止營建以贖邊儲停珠玉以貽燕翼審採辦以濟國用趣大工以省煩費發內帑以救燃眉不報

全卷完